

Y Gwningen a'r Tarw

Dyfalbarhad / Amynedd

Y Gwningen a'r Tarw

"Mae'n rhaid i mi gael bwyd i'r teulu" meddai'r gwningen wrthi'n hun, " ond does gen i ddim cae i dyfu bwyd."

Roedd hi'n gwybod fod gan y tarw du ddigonedd i dir, aceri ar aceri o dir ffrwythlon. Ar ôl petruso llawer aeth y gwningen i gael sgwrs efo'r tarw.

"Dim problem o gwbl", meddai'r tarw. "Fe gei di blannu hynny wyt ti eisiau ond mi hoffwn i gael siâr o bopeth wyt ti wedi dyfu."

"Beth wyt ti eisiau felly?" gofynnodd y gwningen.

Gwenodd y tarw du. "Mi fuaswn i'n hoffi cael popeth sy'n tyfu uwchlaw'r pridd ac fe gei di bopeth sy'n tyfu yn y pridd," meddai.

Meddylodd y gwningen am funud.

"Reit" meddai hi, "mi wnawn ni felly."

Ysgydodd bawen gyda'r tarw du. Yna ar ôl siarad efo'i theulu i ffrwdd a'r gwningen i blannu yn y cae. Pan oedd hi'n barod anfonodd air at y tarw.

Daeth y tarw i weld beth oedd wedi digwydd.

Meddai'r gwningen wrtho, "Dim ond i ni ddeall ein gilydd.

Rwy'ti i gael popeth sy'n tyfu uwchlaw'r pridd a minnau i gael poepth sy'n tyfu yn y pridd."

"Iawn" meddai'r tarw du.

Dechreuodd y gwningen a'i theulu godi'r tatws o'r pridd.

Edrychodd y tarw yn gas. Roedd y gwningen i gael y tatws i gyd a'r tarw druan i gael y gwlydd nad oedd yn dda i ddim i neb.

Y flwyddyn ganlynol penderfynodd y tarw ei fod am feddwl yn galed iawn. Meddai wrth y gwningen, "Y tro yma fe gei di bopeth sy'n tyfu uwchlaw'r pridd a minnau bopeth sy'n tyfu yn y pridd."

"Iawn", meddai'r gwningen.

Ymhen ychydig fisoedd roedd y cnydau'n barod. Daeth y tarw

i'r cae i weld y cnydau.

"Mi rydw i wedi plannu letus y tro hwn," meddai'r gwningen. Felly rhoddodd y gwreiddiau i'r tarw a'r letus i gyd iddi hithau a'i theulu. Roedd y tarw du wedi gwylltio'n lan.

"Reit" meddai, "dydi'r gwningen ddim yn mynd i gael fy nhwylo y tro nesaf."

Pan ddaeth y tro nesaf fe ddywedodd wrth y gwningen.

"Y tro yma mi rydw i eisiau popeth sy'n tyfu yn y pridd a phopeth sy'n tyfu ar y pridd."

"Iawn" meddai'r gwningen. Meddyliodd yn galed, galed y tro hwn.

Roedd y tarw du yn berffaith sicr y byddai'n cael y cwbl y tro hwn.

Pan ddaeth yn adeg y cynhaeaf dyma'r tarw du yn dod yn wen o glust i glust. Fedra fo ddim credu ei lyagid.

"Wyt ti'n cofio," meddai'r gwningen, "fe wnaethon ni gytuno dy fod ti i gael popeth sy'n tyfu o dan y pridd a phopeth sy'n tyfu ar y pridd."

"Ie" meddai'r tarw yn falch, "wyt ti'n iawn gwningen fechan."

Felly meddai'r gwningen, "fe gei wreiddiau a'r dail sy'n tyfu ac fe gymerai i'r india corn sy'n tyfu ar ben y planhigion."

Ffyrnigodd y tarw du. Cododd ei ben i'r awyr a rhedeg nerth ei draed trwy'r caeau i'r cae pella i orwedd o dan y goeden dderw. Yno y buo fo am oriau. Doedd o ddim am adael i'r gwningen gael ffordd ei hun byth wedyn.



Ymhob dim, O Dduw, gwna fi'n blentyn gonest.
Amen.



- ✦ Sut greadur oedd y gwningen mewn difri?
- ✦ Fyddech chi'n dweud fod y tarw yn greadur diniwed?